

Wien, Österreichische Nationalbibliothek (ÖNB), Cod. 689

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

985

P A T R I S T I C I .

986

mentatis, quae L. V. de *Confiderat.* c. 10. leguntur, expresse refert. Itaque editores in suis eum Codicibus reperisse non videntur. *Fol. 73. et 75.* Sermones de *Assumptione B. V.* habentur quidem in Editione, verum aut hic, aut ibi mire transpositi. *Fol. 83. p. 2.* Sermo inscribitur: *Item unde supra,* adeoque *Bernardi.* Init vero: *Non immerito fratres nec ad insipientiam uobis ad audiendum uerbum domini aude conuenitis.* quoniam uerba uite eterne habet. et uenit hora et nunc est quando mortui audiunt uocem eius et qui audierint uiuunt &c. Nihil hujusmodi in Impressis *Bernardi;* at ante medium in verbis: *Sed ecce uox domini clamat ad eum dicens. Peccasti quiesce &c.* nemo non videt *Caput VI.* Sermonis seu *Libri de Conversione Clericorum* edit. cit. T. II. col. 477. et plura alia hujus Libri vestigia per nostrum Sermonem sparsa, qui, cum pariter de *Conversione* agat, aut hunc prae oculis habuerit *Bernardus,* dum illum conscriberet, aut vice versa. Cetera finem versus in alia abit Nostrar, et concludit: *quia et eripuit animam meam de morte. oculos meos a lacrimis pedes meos a lapsu.* *Fol. demum 95.* Sermo bernardi abbatis, qui incipit: *Qui non amat dominum ihesum anathema sit &c.* quaerendus est inter Sermones in *Cantica n. XX.* col. 1326. ubi Exemplo nostro prolixior occurrit, et in universum, si de revisione Sermonum *Bernardi* olim ageretur, ratio foret habenda Codicis hujus cum propter magnam lectio-

nis varietatem, tum propter inscriptiones et diversam Sermonum divisionem.

Fol. 44. p. 2. occultae Scripturae Specimen visitur in hoc Exemplo: *Si Deus est animus,* vocalibus 5. ita per puncta indicatis | . | : | : | :: | : | Theca item anterior convestita est membrana exhibente *Cantica Graduum C. XXX et XXXI.* eleganti charactere hebraico absque punctis, sed in secundo legitur נבה לְבִי pro נבה לְבִי נָבָה.

CCCCXXIII.

Codex membraneus lat. Sec. R. 3296 XV. Folior. 404. f. maj. per duas columnas currente calamo exaratus, et minio distinctus est vastum Corpus Sermonum D. Bernhardi Abb. Claraevall. nulla certa ratione ordinatum et in *Partes II.* tributum, quarum I. quae fol. 209. Indicem post se habet, incipit a *Serm. in Coena Domini,* qui Edit. Maur. T. III. col. 890. legitur hoc initio: *Hi sunt dies, quos observare debemus &c.* Sequuntur tamen mox aliqui de *Aduentu Domini,* item de *Diversis,* longi brevibus mixti. *Fol. 293. p. 2.* succedit *Pars II.* inchoans a *Sermone in Aduentu Domini,* qui init: *Exultate fratres in domino, quia de dominica illa sermo succedit &c.* neque *Bernhardi* est, sed *Nicolai Claraevall.* et habetur Edit. cit. T. V. col. 565. Ita et plures *Bernardo* perperam tributi, et a *Marianis* aliis Autoribus redditi utraque Parte occurrunt. Sermones fin-

Wien, Österreichische Nationalbibliothek (ÖNB), Cod. 689

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

987

C O D I C E S

988

gulos ad Editionem magno labore exigere, suumque singulis ex eadem locum adsignare, nec Codicis aetas, nec Scribae peritia mereari visa est. Jacet ad calcem: *Explicit Nicolaus Meyssner prope Czwickauiam.*

CCCCXXIV.

R. 3122 Codex membraneus lat. Sec. partim XII. partim XIII. Folior. 149. 4. eleganter scriptus, sed quadam sui parte tardius subpletus, rubricis distinctus et olim Coenobii Montis Pomerii, Pomarii, Baumgartenberg. Ord. Cist. in Austria super varia D. Bernhardi Abb. Claraevall. continet, quae ordine edifferam. I. *Incipit tractatus domini Bernardi abbatis clarevallenensis de primo uersu Qui habitat in adiutorio altissimi.* Tò domni credibile facit, Codicem ante a. 1174. scriptum fuisse, quo Bernhardus inter Divos relatus est. Sermones XXVII. in quos Commentarius iste tributus est, extant edit. Maur. Opp. Paris. 1690. f. T. III. col. 827. Ineunt a Prologo: *Considero laborem uestrum fratres &c. et in Codice parum ab Editis variant.*

II. fol. 51. *Sermonum de Diversis, de Tempore et de Sandis* sequitur Congeries initio ducto a Notula ejusdem de uersu primi Psalmi Beatus uir. quae incipit: *Pij sunt qui in deum credunt, et in Edit. T. cit. col. 1198. inscripta est Sermo LXXII. quamvis Bernardo vix in mentem venerit, breves ejusmodi Commentatiunculas, quae nullam Sermonis formam*

habent, *Sermonum titulo insignire.* Ab hinc omnia *Bernardina* sunt, licet alio ordine, et saepe aliis Rubricis, quam quas in *Edit.* praferunt. At vero

III. fol. 113. p. 2. succedit Rubrica: *De septem donis spiritus sancti et euangelicis beatitudinibus*, cuius Textus: *Prima gratia est timor domini &c.* Item Rubrica: *Sermo de humilitate et caritate et pacientia et obedientia*, cum Praefatiuncula inscripta: *Incipit prologus Sancti Bernhardi in libellum de uirtutibus*, quae Praefatiuncula in lacinia paullo recentius descripta et inserta est, hujus tenoris: *Eius inspirante gratia qui ubi uult spirat &c.* Utrumque hoc Opusculum Mauriani ad T. V. relegaverunt, et quidem ad coll. 757. et 557. nullo indicato Autore, nisi quod secundum ad *Benedictinum* aliquem pertinere putent, cum in eo citetur S. Benedicti Regula, quae mihi quidem ratio videtur infirmior; nam etiam Cisterciensium est haec Regula.

IV. fol. 129. *De fide spe et caritate.* Tractatulum hunc in *Edit.* cit. non reperi. Nihil in eo de *Caritate*, sed praeter adductam Rubricam hae sequuntur: *De Fide. De spe. De fide antiquorum. De fide simplici.* Igitur aut incompletus est, aut fallit prima Inscripicio. Initium est: *De fide et spe que in nobis est omni poscenti rationem reddere ut ait beatus petrus in epistola sua parati esse debemus cum modestia et timore. Itaque ut pariter seruentur modestia in sermone timor in assertione prophetas ueborum*